

文徵

貴陽府志三十五

余偉志(4-6)

貴陽府志

PDG

貴陽府志餘編卷之四

知貴陽府事泰和周作楫夢巖輯

知貴陽府事博白朱德璵綬堂刊

文徵四

賦

王杏

聖泉賦

客有謂曰岡子曰眇茲群州葺爾一陬仰視中原猶
寄黑子於人身之一肱其間怪石纍纍如吐如吞層
巖業業如結如浮蟠蒼聳翠連亘綢繆是故子之所

徧歷而旁收者洪邊之曲貴山之幽有水一泓天鑿其淵名曰聖泉謂匪人謀是殊方之獨擅亦賢士所遨遊子嘗知之乎不也曰岡子應之曰吾嘗見茲邦之水矣高者懸瀑下者聚漚澗者爲港窄者爲溝廣不能容大壑之鱗深僅足泛坳堂之舟何乃茲泉之名得爲聖者之流子言迂矣殆亦未之詳搜客曰嘗聞之天惟至公不愛乎道地惟至平靡惜其實人文正氣中原多挹山谷之深溪流之巧彼蒼或爲殊方者造之子胡視之乎眇瀛也哉空言無徵泛聽亦藐口誦之真不如目擊之了請乘子之暇屈子之輶爲

子御重輪駕細裏借烟景於須臾拂風塵之繚繞相
與觀茲泉之淼淼以明予言之非矯曰岡子可之乃
惟秀春天日朗霽言秣其駒言膏其轄循郊墟以啟
行遡層阿以深詣動微翠於千旌納輕颺乎短櫂屹
萬崖之陰深忽一壑之清麗聲出竹以泠泠風拂面
以漚漚客曰斯聖泉之際也請於是乎少憩以惠吾
子之睇曰岡子下車而睇之南山之阡惟谷谿谿中
涵一窟爚以方圓冰冽其漸漱瑤滴璇石疏其鏐排
琚列頤湛波光之上下掙瞬息乎飛漩俄而瀾漫漲
於巨川倏而翕聚滙於重淵有若巨海之鰲兮噴濤

吐淩以侵軼乎八埏。雲颶風之恬霽兮。吸領廻涎有
若玉之麗於日色兮。晶光蕩滌於藍田。迨其靜闕兮。
斂之於半畝之烟。聽石鼓以爲候兮。輕重互爲其間。
徃綸竿以爲測兮。高下各得其平。迭往來之相繼兮。
殊過續之不愆。迅時候之反覆兮。妙消長於涖涓陰。
不能使之溢兮。暘不能使之晷。旱不能使之涸兮。澇
不能使之涇。僅一斗之涵容兮。浩氣吞吐乎。眄天寄
白雲於野草之隙兮。宛潮汐之伸縮於大江之堦。凝
目以視兮。凡幾轉圜。窮神以索兮。莫測其然。將以爲
石竅之間而通兮。泥藪或有時乎。闕填或以爲沙水。

之壅而成兮陵谷又若是乎屢遷是必蒼蒼之上兮
結構於太乙之前神以爲之範圍兮數以爲之陶甄
星宿其揚波之脈兮河漢其濫觴之源浮槎無所於
窺兮鮫人求涉其偏顧謂客曰是誠聖矣非子之言
幾失此泉非茲泉之勝幾不味子之言繫中原之未
見諒大化之獨全已無有於蜀川之峽又奚數乎昆
明之滇也哉客喜而笑曰因野人之譏譏而見與君
子之明證否者將不與畝澮之盈同湧湧耶是故嘉
賞之有待抑亦茲水之有緣於是汲水烹茶釣鱗煮
鮮採蘋採藻充皿羅遵泛元酒於蓬壺兮分飛瑪瑙於

瓊筵啜醴以遨兮縱真境之無邊
磨考槃之章兮相與永矣於弗諼
咏濯纓之歌兮挹爽於滄波之漣
逝者如斯兮悟造化之真傳以茲
爲鑑兮戒光景於流連日臨於酉
兮驗消息之有先樵歌送清兮倚
斜暉於崦嵫之巔倘祥天地兮並
匹馬以言旋次第其事於石間兮
俟來者有考於斯編

江東之

鼇磯賦

耽端子遊黔二稔撫鎮無庸唱然
長嘆偶從直指應公憇釣磯謁武
侯祠見城南河水清漣輿梁亘跂
曰

美哉水中不停民其魚矣公曰隄津未備湍澤奚繇
障而防之亦其事也相與鳩工壘石擁階宛然整極
臨流覽勝遂作斯賦其詞曰余承簡命言撫黔藩祿
楚澤鎖滇垣背烏納而龍番并柯金筑簇綺攢旖爾
乃命駕乎綦郭飲馬乎流泉容與乎南明凝盼乎富
川於以相厥攸宜卜築隄開俯察仰觀上虹下案宛
在水中水無漫渙廼命三老而問之曰孰有當於此
者乎河水瀾瀾甯能使逝者如斯三老對曰僕聞成
梁不易防川則難測而定之有基無壞民其永賴然
則君侯之所指也毋亦務是乎願聞其概余告之曰

是其源也未窮其際來自夷筭達涪出定中滙貫城
其漲也湯湯乎若洪濤之浮拍而怒號奔激其耗也
涓涓乎若清冷之赴坎而潺湲漸瀝易盈易涸乍沉
乍浮與汨俱沒與化俱流遠而環之憂寥邈而綽約
迫而對之見阻隘而搏輞峻爲之防驟汜濫而虞決
低爲之闔時淋漉而逐漉睠彼涵潭就伊沙渚方磨
得畏下高合宁弱水中邱南溟躑嶼積而能去散而
還聚穎峯天表是曰署賓爲章雲漢秀卓城闔左巒
架筆傍列貴人衍清唐之寒漱兮挹犀馬之甘泉吸
三寶之靈液兮貫明珠以綴連綰北汪之青柳擷西

池之白蓮帶霽虹之腰玉兮極南溟之榮漩於是我
臺杭控我坻綫紆介在涯崖安於覆盂飛輦岩巖作
鎮鼎湖象文昌與武曲運經緯以昭憲斷鰲有以立
極兮卧長鯨之橫堰廻狂瀾於礪磧兮厥瑯珞之疊
嶽浮海屋之龍宮兮訝蜃樓之非幻步登瀛以出塵
兮共題名於塔雁左瞻右睎徒倚婆娑俯濯清纓反
射紋波灘聲陵影晨夕烟蘿若吟梁父忽起漁歌伊
惟幽人漱流枕石心遠地偏山青水碧灌木叢陰匿
景逃籍希躅嚴陵垂綸自適維九鼎以一絲兮客星
隱而名高棹扁舟之去來兮汎不繫而逍遙遺名利

於烟水兮委直鉤於釣鯨一水盈盈對瞻古廟錦官
森嚴諸番並曜懷美人於三顧兮綫魚水之遘奇余
心悅其盡瘁兮鼎足成而運移誕天威以擒縱兮烏
蠻震而靖夷儼遺容於尸祝兮据最勝之江湄嗟卧
龍之蟠澗雖百世其可師爲龍爲魚一潛一見出處
侔時夔屈虎變旣葆真而閤秀期人傑而地靈榮光
塞河卿霽鬱蒸乘桃浪以遊瀚海兮謂熊飛而干城
挽天河以洗甲兵兮騰八陣之遺英歇蘭若而奪琳
珪兮揆二表於承明進可獻而退可懷兮憂則違而
樂則行山之高而水之長兮登斯臺其含情匪大夫

作賦兮勉爾榮名髦士壯懷之磊落惟先哲之是程

田雯 以下 國朝

朱砂賦

考夫銀燭流於朱提銅山啟於吳會合浦有夜還之
珠番洋有醋潑之瑁精鏐美蕩林邑螢飛黃鵠青雅
錫蘭流瀆西域之苜蓿葡萄南粵之珊瑚翡翠莫不
居之爲奇有以爲利至若丹砂之名首見禹貢與砥
砮而並稱入髹漆以成用鐘乳質近而形分紫瑛性
殊而貌並烹而煉之絳雪瓊膏餌而服之十州三洞
術傳鴻寶雞犬昇雲書秘枕函杖藜照誦稚川勾漏

是求香山廬峰見弄衛公以之稱美昌黎因而兆夢
石可點兮逋償金可化兮采送訪邵陽之巔遺井尚
存過洞庭之埜鑄鼎猶頌匪恠匪迂宜愛宜重於稽
所產不一其鄉二酉之麓間出湯池之下深藏雖習
聞而未睹今乃見於黔疆阡江盤水婺邑銅崖咸可
握而可採然忽閉而忽開未有若開陽之夥者也於
是奇羸之徒廢舉之士指烟嵐以爭趨驅舟車而來
至相與募保傭工畫壤列肆追一綫之蚓蛇探重泉
之幽閤塋高支而忘天脂親賁以覓地悵曉夕之莫
知置生死於非意乍吐微銛儼獲大貝雜土石以同

居寢礦牀而酣寐或如矢鏃或如斧劈或瑩如鏡或
黯如漆黼黻比光火齊較色燦矣霞披歟然榴滴是
稟精聿鍾火德細若輕塵巨等拱壁鼎魄陸離尺量
斗計謂之砂寶辟邪魘魅豪客名家連城肯易鋪入
畚出梯升綆墜附螳引狼擔肩負背載檢載披且淘
且汰審厥樞良別夫族類此什襲而韞藏彼貿遷而
罔市別有沿邨埜老接澗孤熒措斗引竿漉末拾零
足浸溪而蝕趾目注粒而損睛波濤爲之盡赤襟袂
爲之頓顙苟錙銖之可取雖纖忽其敢輕爾乃作竈
興鑪置礶施杵研之則我朱孔陽蒸之則揮汗成雨

學團璣之走盤任點易而滴露更呼爲永改號曰砂
其實則一其變則殊噫噓嘻此一物也旣不足充耳
日之玩乃妄傳服食之神以致多搜索於官牒遂視
希世之奇珍使者不言神仙願下令而長禁砂其莫
產山谷何爲苦此方民

漏鈞泉賦

富水之西去城五里峯迴逕轉隱彰駢闐在彼中阿
有涿出焉名曰百盈字之聖泉慶陵泐泐潛潛涓涓
虎鬚方聚魚目更煎閱寒歷暑不加歲年置準其中
以驗後先俛仰深沉罔越罔愆火謝榮璣衡廢旄

重黎解政常羲罷占綫景徒測蓍灰徒然螭運周髀
之磨儀渾顓頊之天磨朴修墜而未精郭許晰理而
難詮一日之內俄頃之間甫除甫察倏滿倏闕何必
登觀象之臺臨鐵勒之邊商度次於壺遂較盈虛於
巫咸哉此其所以爲百盈歟方其進也汜行及其退
也坎止始焉不驟終焉不已如日之經猶星之緯莫
測其源莫竟其委孰鍵其關孰幹其裏大旱竭澤而
不焦巨浸稽天而不汜以晝以夜以施以閉見兮塵
游隱矣鳳舉神龍之時屈時伸至人之可出可處往
而知返求而能與寸陰是惜寸度必軌不可得而泥

其可得而徙耶此其所以爲聖泉也歟吾聞水之潤
地脈之周身一呼一吸一縮一盈釋氏數息而觀鼻
黃老運炁以養生動則俱陽靜亦凝陰華池灌漱湧
泉引伸 滛尾間 金莖 蓄一洩吐故納新散

華歛實翕虛闢清接之澄泓泓之困淳節宣輔和樞
紐調眞繇此而推猶未可勝潮有春秋之信木有開
落之辰鴈乘之而去來 候之而蜚鳴抑聖水之稱
不一其日琉璃之瀝亳州之麓烏龜二池武陽一掬
巫山之峯並此爲六更讀鴻書亦云漏鈞語其情狀
比於洶突惟厚德之難量斯佳名之屢托無怪乎間